



REPUBLIKA E SHQIPËRISË
UNIVERSITETI "FAN S. NOLI", KORÇË

SHTOJCA 1.8.1

Rregullorja financiare



REPUBLIKA E SHQIPËRISË
UNIVERSITETI "FAN S. NOLI", KORÇË

**RREGULLORE
FINANCIARE DHE E SHPËRNDARJES SË TË
ARDHURAVE
E
UNIVERSITETIT "FAN S. NOLI"
KORÇË**

Miratuar me Vendimin nr. 482, datë 20/07/2018, të Bordit të Administrimit.

Shëtitörja "Rilindasit", Tel. 082 242230, www.unkorce.edu.al, rektorati@yahoo.com

KREU I
DISPOZITA TË PËRGJITHSHME



NENI 1
BAZA LIGJORE

Kjo rregullore hartohet, bazuar në ligjin nr.80/2015, datë 22.07.2015 “Për Arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë”, neni 3, pika 3, gërma c, neni 49, pika 1, gërmat e dhe ë, dhe neni 109, pikat 2 dhe 3.

NENI 2
OBJEKTI

Kjo rregullore ka për objekt përcaktimin e rregullave të brendshme të financimit, të shpërndarjes dhe përdorimit të të ardhurave të krijuara nga universiteti, sipas veprimtarisë dhe nevojave të institucionit.

NENI 3
QËLLIMI

Qëllimi i kësaj rregulloreje është përdorimi sa më eficient, efektiv dhe ekonomik i të ardhurave të institucionit, si dhe shmangia e shpërdorimit apo keqpërdorimit të tyre.

NENI 4
TË ARDHURAT E INSTITUCIONIT

1. Bazuar në nenin 108 dhe 109, të ligjit nr.80/2015, datë 22.07.2015 “Për Arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë”, të ardhurat e krijuara nga institucioni janë një prej burimeve të financimit të tij. Ato përdoren tërësisht prej vetë institucionit dhe pjesa e papërdorur e tyre mbartet në vitin pasardhës.
2. Në të ardhurat që mund të krijohen nga institucioni përfshihen:
 - pagesat e studentëve për arsimim;
 - të ardhurat për shërbimet e kryera;
 - të ardhurat e krijuara nga marrëdhëniet me palët e treta;
 - donacione dhe burime të tjera të ligjshme financimi;
 - veprimtari kërkimore-shkencore.

KREU II PËRDORIMI I TË ARDHURAVE



NENI 5 PARIMET

Përdorimi i fondeve të krijuara nga të ardhurat e institucionit bëhet duke respektuar parimet e transparencës dhe të ligjshmërisë së veprimeve dhe procedurave, si dhe ekuilibrin ekonomik dhe financiar.

NENI 6 KRITERET

Kriteret, në bazë të të cilave përcaktohet mënyra e ndarjes dhe përdorimit të fondeve të krijuara nga të ardhurat, janë si vijon:

- Numri i studentëve për çdo njësi;
- Numri i pedagogëve me tituj e grada;
- Parimi i përfitimit të të ardhurave që gjeneron çdo njësi;
- Koeficienti i përshtatshmërisë me strukturën e kostos të çdo njësie.

NENI 7 MËNYRA E PËRDORIMIT

1. Mënyra e përdorimit të fondeve të krijuara nga të ardhurat e përcaktuara në nenin 4, pika 2, të kësaj rregulloreje bëhet çdo vit në varësi të nevojave të institucionit për investime, shpenzime operative, paga, kërkim shkencor etj.
2. Të ardhurat e përfituara nga shërbimet, veprimtaritë kërkimore-shkencore, konsulencat, si dhe çdo e ardhur që realizohet nga veprimtaria ku merr pjesë personeli akademik ndahet ndërmjet personelit akademik dhe institucionit, si më poshtë vijon:
 - a) Të ardhura të përfituara nga **shërbimet e kryera** të ndahen në masën 40 % personeli akademik dhe 60 % institucioni.
 - b) Të ardhura të përfituara nga **veprimtaria kërkimore - shkencore** të ndahen në masën 25 % personeli akademik dhe 75 % institucioni.
 - c) Të ardhura të përfituara nga **konsulencat** të ndahen në masën 20 % personeli akademik dhe 80 % institucioni.

ç) Të ardhura të tjera të përfituara nga veprimtaria ku merr pjesë personeli akademik të ndahen rast pas rasti me vendim të veçantë të Bordit të Administrimit, duke pasur parasysh parimin e kostove dhe përfitimeve të realizuara.

d) Për të ardhurat e përmendura në germat a, b dhe c më sipër, me vendim të Bordit të Administrimit mund të vendoset dhe ndarje tjetër nga ajo e përcaktuar në këto germa, me iniciativën e tij ose kur bëhet kërkesë nga personeli përkatës akademik dhe/apo administrator i institucionit si përfaqësues ligjor për çështjet financiare dhe administrative, vetëm pasi të paraqiten argumenta bindëse që tregojnë qartë pamundësinë e ndarjes së të ardhurave sipas përcaktimeve përkatëse në germat a, b dhe c.



NENI 8 STRUKTURAT PËRGJEGJËSE

Strukturat përgjegjëse për propozimet, kërkesat për financime të njëjës kryesore, miratimin, menaxhimin dhe kontrollin, si dhe ekzekutimin e veprimeve përkatëse ekonomiko - financiare dhe të kontabilitetit, lidhur me përdorimin e fondeve të krijuara nga të ardhurat, sipas detyrave të përcaktuara në ligjin nr.80/2015, datë 22.07.2015, "Për Arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë", dhe në aktet e tjera përkatëse ligjore e nënligjore në fuqi, në Statutin e Universitetit, si dhe në Rregulloren e Universitetit janë si më poshtë vijon:

- Senati Akademik;
- Bordi i Administrimit;
- Rektorati;
- Dekanatet;
- Administratori i institucionit;
- Administratorët e fakulteteve;
- Drejtoria e Financës;
- Drejtoria Ekonomike.

KREU III DISPOZITA TE FUNDIT

NENI 9

Në çdo rast, për mënyrën e përdorimit të fondeve të krijuara nga të ardhurat, institucioni bazohet në ligjin nr.80/2015, datë 22.07.2015, "Për Arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë", ligjin nr.10296, datë 08.07.2010 "Për menaxhimin financiar dhe kontrollin", i ndryshuar,

Ligjin përkatës për buxhetin, aktet e tjera përkatëse ligjore e nënligjore në fuqi, në Statutin e Universitetit, si dhe në këtë rregullore.



NENI 10

Kjo rregullore hyn në fuqi pas miratimit nga Bordi i Administrimit i institucionit.

MIRATUAR:

BORDI I ADMINISTRIMIT

KRYETARI

SOFJOLA KOTELLI

